

玉清文皇大帝洞玄經

王莽文四十七卷



皇

圖

舉

國

帝

道

遐

昌

閩邑黃春波敬繪



金闕玉童御贊

詠爾貴神萬靈山上
忠貴全王體世能爾
齊爾斯教天所不誨
保主利利福參同

沐恩弟子楊謙敬篆

大洞仙經原序

大凡事之有其究竟者必有其原來如洞經
一書人但知爲吾學道之書而不知乃吾叙
述之書也人但知三十六章之是守而不知
三十六章之訛複也吾久欲定正惜未得人
卽有其人始似勤恒繼謂虛渺或半途而廢
者有之或已成而疑些言者有之嗚呼人多若

此吾何望焉是以急欲定正而終無由矣卽

如本朝大吾道之化者惟長洲彭氏卽彭太史

輩定求發其源且始終之勤勤弗懈不可不謂

爲誠篤者也雍正五年冬有符圖司教金本

存疏呈洞經原由乃稱久欽玄範刻志修持

深苦傳本互異實難遵守懇恩勅仙定正詳

註以便刊傳以廣大化閱之適契吾心且喜

本存之勤恒也因勅某仙與某人爲師令其
註明傳世不期某生視爲可有可無經年於
茲功無十一其中雖有頗可取之人請師解
註而諸仙亦止依諸傳本爲之訓詁凡章句
之訛複與天洞經之原來究竟卒未之言也
吾苟不親爲詳本末定章次正字句則本存
之捧誦刊刻不惟徒費心力而且以訛傳訛

貽誤來茲將莫知其底止矣然吾欲親正究
難得人幸天道不終剝剝極而復人心無恙
困困中有亨本存而外復有華如珙其人者
矢志投誠皈依吾化吾見其年雖少其信頗
專爰命代吾傳筆定正字句之重誤序解章
目之始末自序經以至結經共二十四章皆
述吾成已之始成物之終者今一一爲之揭

示如每章皆有 元始天王曰之句以人看
之似卽吾 師所授之玉經而不知乃吾得
道之後復蒙吾 師授以蒼胡頡寶珠其珠
光煥爲彩雲結成此經皆叙吾入門求道保
元以至成道度厄化幽悉由吾 師授以玉
經而得以造夫太玄也其必冠以此五字者
又吾於珠光所結經文之上加之以誌不忘

本之意至吾

師所授之玉經自吾得道後

吾

師復祕於大洞矣其傳世者卽此經也

夫此經自太玄受後

歷虞夏商周暨漢唐宋

而迄於今

屢經興廢其得不迹熄而存者諒

多記傳鈔授故錯訛互異

以至於今吾今因

本存之誠懇華生之信篤

故不厭煩囂親降

校正俾本存奉此刊傳以爲定本庶後之修

習者得其源矣時雍正六年戊申五日文昌
帝君序於蜀渝永濟壇

誦經儀軌

持誦是經宜在靜夜清晨氣爽神清之候先盥漱畢
然後嚴整衣冠詣香案前拈香拱立凝神定息注想
聖容威儀如在起恭敬心將香高舉虔進於爐隨卽叩
齒演音誦起經讚及十咒各一遍次卽長跪禮誥默

祝所祈訖東向端坐誦經遍數以七遞加或一七遍或二七遍或三七遍或七七遍俱可遍數既完連誦回向讚咒各一遍作禮而退至於去遊思雜念之道則在乎展卷之初卽自想曰吾誦是經本爲

帝君宣揚經教啟悟明幽當有護法神王鑒觀在上聞經鬼眾拱聽於旁吾何可不盡虔誠有訛字句致觸鬼神怒目反召咎殃如是敬畏則雜念遊思不待去而自去矣不然雖擊破木魚徒作陰陽笑柄亦何益哉

起經讚

祥雲初起。法界氤氲。羅天海嶽。異香騰到。
處。覆慈雲。達信通誠。萬聖盡遙臨。達信通
誠。萬聖盡遙臨。
大聖香雲。浮蓋大天尊。三稱

淨心神咒

太上台星

應變無停

驅邪縛魅

保命護身

智慧明淨

心神安甯

三魂永久

魄無喪傾

急急如律令

淨口神咒

丹朱口神

吐穢除氛

舌神正倫

通命養神

羅千齒神

卻邪衛真

喉神虎賁

神氣引津

心神丹元

令我通真

思神鍊液

道炁長存

急急如律令

淨身神咒

靈寶天尊

安慰身形

弟子魂魄

五臟玄冥

青龍白虎

隊仗紛紜

朱雀玄武

侍衛我真

急急如律令

安土地神咒

元始安鎮

普告萬靈

嶽瀆真官

土地祇靈

左社右稷

不得妄驚

回向正道

內外肅清

各安方位

備守家庭

太上有命

搜捕邪精

護法神王

保衛誦經

皈依大道

元亨利貞

急急如律令

淨天地神咒

天地自然

穢氣分散

洞中玄虛

晃朗太元

八方威神

使我自然

靈寶符命

普告九天

乾羅怛那

洞罡太玄

斬妖縛邪

殺鬼萬千

中山神咒

元始玉文

持誦一遍

卻病延年

按行五嶽

八海知聞

魔王束首

侍衛我軒

凶穢消散

道炁常存

急急如

太上老君律令勅

金光神咒

天地玄宗
證吾神通
體有金光
聽之不聞
受持萬遍
五帝司迎

萬炁本根
三界內外
覆映吾身
包羅天地
身有光明
萬神朝禮

廣修億劫
惟道獨尊
視之不見
養育羣生
三界侍衛
役使雷霆

鬼妖喪膽

精怪亡形

內有霹靂

雷神隱名

洞慧交徹

五氣騰騰

金光速現

覆護真形

急急如

玉皇

大帝律令勅

祝香咒

道由心學

心假香傳

香爇玉爐

心存帝前

真靈下盼

仙旆臨軒

令某關告

逕達九天

五星神咒

五星列照

煥明五方

水星卻災

木德致昌

熒惑消禍

太白辟兵

鎮星四據

家國利亨

名刊玉簡

字錄帝房

乘飈散景

飛騰太空

出入冥無

遊宴十方

五雲浮蓋

招神攝風

役使萬靈

上衛仙翁

攝魔咒

乾坤一炁

育我者七

丹元寂養

妙在勤息

善觀太和

洞察出入

化賊爲良

刺邪如戟

鑒耀金庭

常杜五逆

運閉旁關

灑掃淨室

塵起於土

土安神逸

烟生於火

火降氛滅
木堅則榮
貴清不溢
二儀在戶
交曲使直
迴度靈田
羣魔自息

金空有聲
守榮則實
五政既持
循環赫矣
綱紀吾身
精華羅畢
皎皎無窮

聲不亂擊
水澄則清
利往終吉
處暗愈光
晨昏怛惕
頃刻敷威
用之不竭

無強無昧

無妄無弱

以大光明

圓通莫測

能斬飛神

能絕六疫

以玉爲章

玉無瑕跡

以金爲章

金焚不洩

長誦吾章

逍遙太極

玄蘊咒

雲篆太虛

浩劫之初

乍遐乍邇
一丈之餘

天真皇人

按筆乃書

以演洞章

次書靈符

元始降下

真文誕敷

昭昭其有

冥冥其無

沉疴能自

痊塵勞溺可扶

幽冥將有賴

由是昇仙都

以上起經讚並九咒以下開經偈回
向讚俱依同善錄禮誦太上斗姥文
昌孚佑諸經懺科儀錄入惟攝魔咒
一條又從他本另增

元始天王聖誥

志心皈命禮

玉清聖境清微天宮鬱羅蕭臺之中森羅淨
泓之上現有爲之梵相具無極之神通敷演
真玄破無有色空之礙拯提趣類絕智愚高
下之分妙用難窺靈機莫測大悲大願大聖
大慈無量度人元始天尊

文昌帝君聖誥

志心皈命禮

不驕帝境。玉真慶宮。現九十八化之行藏。顯
億萬千種之神異。飛鸞開化於在在。如意救
劫以生生。至孝至仁。功存乎儒道釋教。不驕
不樂。職盡乎天地水官。功德難量。神威莫測。
大悲大願。大聖大慈。九天輔元。開化主宰司。

祿職貢舉真君。七曲靈應保德宏仁大帝。談
經演教消劫行化更生永命天尊。
斗口魁神馬天君聖誥

志心皈命禮

斗口魁神璇樞上將三頭磊落應三台照曜
之形九目輝華印九斗光華之象東西靈之
金氣足踏白蛇戴南極之威靈背飛丹鳥寄

化冲天風火院。專司北極號天罡。寶劍珠玲。
揮霍妖魔皆絕滅。帝鐘法印行。持天地悉皈。
依隨梓潼而主文衡。輔紫微而司祿命。大悲。
大願大聖大威高上神霄玉清真皇。混天主。
法元帥玉府司命真君。光明華藏寂道真皇。
南極火犀大仙。北帝都天罡橫天威烈神王。
攝魔雷令大神。掌管雷霆都司。考召命捉大。

將軍掌風雲雷雨電。糾察三界邪魔。天下都提轄正一靈官馬天君。雷音不動天尊。

按大洞仙經本斗口魁神奉帝君命詮註錄成名曰洞經示讀功誠偉焉故誦經者敬禮元始文昌二道聖誥後亦宜敬魁神聖誥詮註答詮二讀示之宏恩也漢陽金理綱刊本訛作魁星聖誥吾聞陳氏刊本亦補刊本訛三誥末一道亦作魁星蓋必傳鈔於漢陽之本以訛傳訛也茲刻敬更正之讀者可勿縱其與他本互異焉

太上玉清無極總真文昌大洞仙
經卷上

開經偈

寂寂至無宗

虛峙劫仞阿

豁落洞玄文

誰測此幽遐

一入大乘路

孰計年劫多

不生亦不滅

欲生因蓮華

超凌三界途

慈心解世羅

真人無上德

世世爲仙家

序經章第一

道言。昔在龍漢劫初。

元始天王。

出大洞玉經。於高上玉清宮。命吾

演太玄次玄之道。吾自是勤誦不

輟。元始天王見吾求道心誠。遂

以太玄之音。流響玉清。宏大帝德。

合一之道。示九統之法。傳九光之
符。吾不敢自私。因公之世。人能誦
之。登齋修行。自然萬神歡慶。萬靈
護持。萬神感格。萬仙翕臨。可以飛
渡三災。四煞。五鬼。六害。七傷。八難。

九尾十惡。立望登仙。入聖不待有
所作爲。而自無不爲也。苟不誦之。
由是善念泯滅。惡念日增。何以登
仙入聖乎。有能宏施無窮功德。廣
刻大洞經文。普施天下。觀望以爲

典型則

玉帝降鑒而飛天親迎

矣。然不獨可以榮本身。且並將歷

代遠祖。歷劫種親。俱可以超昇而

更生矣。世胄接仙長。爲貴人。功滿

道備。骨肉同昇。乘龍駕雲上朝。

玉清。

序事章第二

元始天王曰

真陽帝賓老

受事會玉皇

滅魔除穢尸

百司詣絳宮

逸宅丹玄內

五炁結十方

七轉司命至

三回召仙公

泰山主鬼者

急校三官中

十德初成基

同飛七覺元

序理章第三

元始天王曰

清靈扇八極

披此胞胎結

辰宿皆衛道

公子執五符

鼓輪三華城

六祖受福生

常守帝一營

太乙居紫房

三合永不素

拔昇玉帝宮

少女郁墨子

預兆一無中

拘制精血液

盈滿五臟充

十真登紫房

帝子化金仙

白玉飛符召

引昇龍臺天

序源章第四

元始天王曰

紫精毓華林

長眠太無外

玉房生寶雲

九扇胞胎內

帝賓奉玉符

三光回紫蓋

蒼玉斌來生

衛此長夜會

五靈度符籍

九統合九光

太玄居玉清

紫陽發萬生

玄精育九靈

元父結胎仙

詳源章第五

高上洞元
炁祖太无
曾親絕散
帝一上景
長契一運

元生九天
眾風映玄
四清睹闕
連眾攝烟
七世投閑

託靈屬命

流輝六曜

凌梵御暉

併編帝簡

胎田邃路

華灼自然

泯邈沉遷

西華彰安

盡得解源

世發玉蘭

靈光八輝

萬神俱生

入門章第六

元始天王曰

高上宴紫清

五老輔玉根

太素拂渺景

合符帝一尊

白帝皓育獎

回金太霞卿

度我死戶閉

拔出三途昇

十通徇斯生

妙行由此興

洞明光景中

帝一真玄經

求道章第七

元始天王曰

玉虛順玄歸

天晨金霄游

朗朗生帝境

頃爾駕玉洲

左撫命神童

右弼命書符

明真煥九霄

三日映玄敷

千景併生矜

內有幽寥无

令我得長年

千劫始一周

黃籙保劫仞

披錦入神邱

太一務命根

公子召合符

十回度初心

得入大信根

守道章第八

元始天王曰

玉帝玄上籙

製命九天玄

七覺乘妙道

歡熙神風還

飆燦北停華

紫英列東班

琳和九霄外

玉符徵太玄

三素生泥丸

發耀金靈間

元君誦萬遍

一心守衛專

十善生玄中

度厄而自然

太上玉清無極總真文昌大洞仙

經卷上終

西池仙翁贊

天人真秘

大洞仙經

雲錦

囊開現奇文

至道永昌明

萬化總真

無極會長存

太上玉清無極總真文昌大洞仙
經卷中

序經章第九

道言爾時元始天王眉放青毫。
頂旋紫炁萬華寶蓋浮羅覆形玉

光金耀。紆絢光輝。由是吾見吾師。
如此。乃愈加精銳。是以功行大成。
矣。

保元章第十

元始天王曰

太真統九炁

洞景寄神通

玉帝乘朱霄

綠霞煥金墉

上館雲珠內

仰接無極中

靈關太漠下

靄靄竟冲空

冥化混離坎

一玄寂火空

寂滅高洞上

玉宸保大洞

西拔六祖根

南解累劫凶

體矯萬精波

神王攝十方

大歸返胎元

三合乘天龍

明玄章第十一

元始天王曰

紫精太无中

三元上景衢

秀朗大寶輝

昭昭扇帝敷

伯史啟三素

帝臨登玉虛

慶炁育五雲

司命神明初

十華妙行仙

制魔生六明

通微首章第十二

元始天王曰

太玄天地通

浮雲不能入

神宗理靈襟

龍山秀玉峯

金房鬱明霞

九天爲高宮

黃庭涉北元

元父在回明

朱晶啟明師

幽寥登上清

參透玄中妙

長保大洞經

通微二章第十三

元始天王曰

辰中五景炁

三秀登霄庭

滄臺飛羽輪

迎延道已成

司命奉帝書

號曰玄度卿

保生太霞宮

列賓館玉清

命門合津延

守我身常甯

左攜元數君

右攜朱鬱靈

太玄度迷覺

遍施大洞文

紫華領胎仙

元命真中神

通微三章第十四

元始天王曰

金闕上景炁
三合太一尊
七轉召嶽真
拔籍三途下

十方暉紫烟
帝招太元神
玉符告三官
受生高上辰

太帝八靈王

一化回慶雲

桃君守六合

謹精衛泥丸

太清八景觀

十德真文宣

保守神中神

元命生自然

度厄章第十五

元始天王曰

太素三華炁

玉京表玄籍

回風散萬魔

撫御地下戶

晨登廣靈堂

守命核道康

金符超廣鄉

保守長生王

轉入上仙門

八景齊洞陽

明洞章第十六

元始天王曰

皇上超无景

輪轉九曜停

回風混帝心

八景運常甯

廣霞參神天
液逸玄中膜
體寶圓珠映
號爲壽逸阜
俱滅三惡機

五帝散日精
血凝五華平
流曜瑩光形
亦曰澄源亭
啟籍登大明

令我保仙真

仙綬披綠青

解禍冥途中

祈福超上靈

度世登玉卿

累祖返胎嬰

洞觀無礙空

元始通其明

驪珠現真形

內外洞照清

太上玉清無極總真文昌大洞仙
經卷中終

上相天師贊

妙理精蘊

玄之爲明

守真抱一

氣合玉清

太上玉清無極總真文昌大洞仙
經卷下

序經章第十七

道言爾時元始天王以大洞高
上。混沌太无元天寶地靈之炁。結

一寶珠。命之曰蒼胡頡。曰吾以此
寶。從道妙一。善貸生根。孕玄分元。
誕始傳真。化生萬物。凝成一炁。大
哉至寶。惟我獨存。今爲玉宸道君。
重出斯寶。諸天帝王。天真大聖。瞻

望寶光。其光輝燦爛。分而數之。四方。遂凝聚而成彩雲。灼爛而成詞章。由是百千萬億。結成大洞仙經。文光。因會諸天帝王。天真大聖。以清明識。以始通觀。以華灼通。齊聲。

宣詠大洞雲章。音徹諸天。流響九
地。稱名神鄉。一切神靈。不離本座。
朗誦雲章。目覩之。而灼爛耳聞之。
而稱揚。其下有懶惰之人。皆由百
生障滅。萬劫塵埋。一旦光音所及。

遂於一時頃刻間。脫離苦海。故雖
目見耳聞。終成渺渺。於是太玄道
父。前詣蕭臺。再拜稽首。求授寶珠
所結大洞經文。俯賜凡間。庶以導
化生眾。令其各遵經語。俾免萬災。

宏誓願言。殷勤啟請。元辰大聖。玉宸道君。乃親付太玄道父。蒼蒼胡頡。寶珠。並告太玄道父曰。此寶久祕於吾。幾欲重出。不期上智無幾。下愚最多。不知悔悟者。十之九。知悔

悟者百無一。吾故未輕出也。今幸
有爾太玄求請。吾故又授之。惟願
吾子鄭重此寶。備述其源。不必問
凡與聖。只一一化他爲善。是吾之
願也。夫是吾之願也。夫。

通明章第十八

元始天王曰

太陽化五辰

紫霄歸玄路

元君保容重

守胃塞死戶

金符煥北華

玉宸拔六度

帝真灌上昇

斷息三途苦

洞明清淨光

帝心大神通

命宿出自然

根本原由中

未來及他心

一切无礙融

洞源與洞明

萬道由通生

還元章第十九

元始天王曰

養精上華炁

太微玄景童

神化玉室內

飛羽逸紫空

日爲三才貴

奉符照地中

開關把金節

閉戶扣瓊鐘

滅魔三酆野

招靈上清宮

冥冥窮陰關

聚精六合中

及老變皓形

髮白返童容

洞源清淨光

操持有其功

咽液生萬神

神水華池融

湧泉灌而潤

往來無有窮

道成周而始

天根常茂豐

化幽首章第二十

元始天王曰

玉宸九天司

常保向化人

解帶玉映室

提撕日中主

太一召天魔

太上大道君

九回鏡中清

乘景入四明

勤宣月中神

帝君校萬精

拔濯死籍炁

越度仙黃庭

帝立三關上

八風舞神兵

洞微无窒礙

化及眾幽靈

化幽二章第二十一

元始天王曰

太清淨絕空

三天保神符

日中開五暉

大地恩無窮

捧籍登大明

受籙金華樓

五臟植玉根

炁通生清明

定和妙明覺

玄息自長生

化幽三章第二十二

元始天王曰

太極元景王

拔出一切魂

九玄解重劫

六合得上昇

徘徊秀華下

俯仰化五靈

飛仙昇玉堂

形神回孩嬰

洞虛清和淨

華通引玄明

化幽四章第二十三

元始天王曰

无極真仙機

洞中保元炁

正位左右仙

長生虛靈世

洞有五符籍

玉宸得合一

魂生太无中

魄受吾道密

從茲化幽无

七炁永無滯

靜真明至理

至老長不易

結經章第二十四

玉宸道君初定通息太和一千中
觀變真離相清塵元合五千坐在
立亡大定全真妙行通靈初曰通
炁次曰通神終曰通靈萬通成真

道備登宸。超脫飛昇。過度三界。往
來三清。正品大洞。天一帝尊。六度
萬通。功圓行成。千和萬合。自然成
真。

太上玉清無極總真文昌大洞仙

經卷下終

孚佑帝君贊

三品一理
人仙幽迴

萬化歸真
一道同昇

全經自上卷太上玉清句起至下卷一道
同昇句止總計共二千七百一十六字

回向讚

大洞妙典。救劫經章。七篇五品。廣宣揚善。
惡自昭彰。警勵行藏。在在度無量。警勵行
藏。在在度無量。

大聖更生永命大天尊

二稱

回向咒

回別五雲輿

騰駕九長空

完

玄契曰

元始天王爲玉宸道君演玄批元

極始通終

自天及人俾獲成仙真要文也學

士誦之悟入

登仙鬼神誦之悟入登真凡夫

誦之悟入

長生幽魂誦之超脫更生死厄聞

之度生天

堂枯朽老病聞之延津嬰孺孩童

聞之聰明

上士得之飛騰玉清位爲聖尊與

道合真

大洞經總義

理有太極是生兩儀渾渾淪淪本无涯際語
大莫外語小莫遺无終无始周流不息逝之
先天洞洞屬屬陰中之陽靜中之寂火從水
生妙合而出清濁高下兩大乃闢七日來復
三陽具備理炁同流誰能測識惟人獨靈乃
窺其密直探未有混沌隱祕二五真精野馬

奔軼氤氲化醅男女成質惟天之命於斯全
昇人生而靜渾然畢具虛而能涵靈而不滯
以具眾理以應萬事始爲氣拘繼爲欲蔽內
外交引莫可紀極漸牯真心人道乃失不遠
而復惟人自立旦氣須清妄心宜寂絕其憧
擾中乃甯謚勿任其偏勿徇其僻發思中節
存養純一心曲難知返照爲急時時喚醒莫

教放逸念慮潛滋檢察細密一私不存眾善
咸集操持有功神化玉室聚精六合天君泰
適炁與神交神與道契物感紛乘真性不失
定則生明明則生智洞源洞微參透妙諦回
風混合從心不踰長契一運至老不易先天
後天總歸太極

省

同治二年歲次昭陽大淵獻仲夏之月

連江弟子楊

誠謙求資

祖先冥福兼祝

慈親鄭氏壽康敬書拜校



持誦大洞仙經應驗經中序經三章經末
玄契一章言已詳悉謙又嘗聞諸峨岷山

聞書服是車於官閩圖經人
者是 不覆家蘇陳書八曰

附帙帝止舟堂州星印字人

誌將訓於之可有垣之用家

味養數壽於求虞免紳先懸大以

香恬語梨是道觀瘟士生之洞黃

讀山於棗經保此疫執刊門驅紙

易人此謙亦元則存是大首瘟硃

之肄以承常化知此經洞可寶書

齋三公命持幽大經以經以印玉

氏諸校誦度洞於告應辟或清

識同對茲尼仙行予驗瘟隨文

於志謹因已經篋日記又便昌

焉將家也之并佩云嘗用大

所兄謙功無此星見篆洞

見敬素用翻經垣吾刻仙



斗姥心咒附

按袁頤道先生蓮花筏有云嘗持斗姥百字金言蓋即此也

曩謨

即南無

囉

音來

怛

音達

曩

多

囉

夜

野

怛你也他

音拖

阿迦摩臬

音洗

摩

迦摩臬

阿

度

摩

臬

支

音朴

鉢

囉

摩

臬

摩臬

摩

訶

支

鉢

囉

摩

臬

阿

怛

摩

臬

摩

馱音徒曩摩臬 摩哩音利支野摩臬

曩謨粹音歲都帝 囉乞音吉呬又下平聲

囉乞呬唎音年娑縛音伐薩怛縛

難上聲左平聲娑縛怛囉 娑縛娑

喻鉢捺音辣囉呬音賈毘音皮藥娑縛

賀

南無三漫多

沒馱喃

唵

嗎

音麻

哩

音利

嗟

音即

芒

娑

訶

呂祖參同經瞻禮星斗章曰是大陀羅尼
咒出自斗姥心印能摧一切邪道能除一
切重病能驅一切惡獸能消一切厄難能
解一切毒蟲能離一切惡人其功德力說

不能盡爾等皆當至心誦持不可間斷
唱道真言云誦大洞經持斗姥呪可
以超拔祖先宏資冥福茲刻因敬附

同治二年六月

全閩公建四十九晝夜普度敬刊

大洞經者道家言也相傳持誦
此經能免水火癘疫之災今春
時疫流行死亡相繼求此經者
甚眾而坊間苦無善本余友索
之于余余出家藏大字本應之
蓋先君督閩時所得也余友

見其校勘精審字體端重爰與
同志諸君集資覆刻刻成余因
綴數言以誌顛末

光緒二十年秋九月既望香山何

熙章敬跋于五羊城

板存兩粵廣仁善堂

羊城大新街翼化堂承印

